

BiH ponovo na evropskom putu



“Odluka Ollija Rehna vraća Bosnu i Hercegovinu na put ka evropskoj integraciji nakon mjeseci političke nesigurnosti”, rekao je visoki predstavnik i specijalni predstavnik Evropske unije nakon što je komesar EU za proširenje donio odluku da parafira Sporazum o stabilizaciji i pridruživanju sa Bosnom i Hercegovinom.

“Ovom odlukom Evropska unija je pozdravila novu političku dinamiku u Bosni i Hercegovini”, istakao je Lajčák. “To pokazuje da su bh. političari shvatili da put ka integraciji u EU predstavlja najbolju moguću razvojnu strategiju za ovu zemlju”.

“Od sutra će BiH imati zvaničan sporazum sa EU, a koliko će brzo zemlja sada krenuti dalje zavisi od toga koliko brzo će zemlja ispuniti institucionalne i zakonodavne zahtjeve utvrđene u Mostarskoj deklaraciji i Akcinom planu o reformi policije”, zaključio je Lajčák.